

Durga Suktam in Sanskrit Durga Suktam – Sanskrit Lyrics (Text)

Durga Suktam – Sanskrit Script

ॐ ॥ जा॒तवे॑दसे सु॒नवाम् सोम॑ म॒राती॒यतो॑ नि॒दहा॑ति वे॒दः ।
स नः॑ पर्-ष॒दति॑ दु॒र्गाणि॑ वि॒श्वा ना॒वेव॑ सि॒न्धुं दु॒रिता॑त्य॒ग्निः ॥

ताम॒ग्निव॑र्णां तप॑सा ज्वल॒न्तीं वैरो॑च॒नीं क॑र्म॒फले॑षु जुष्टो॒म् ।
दु॒र्गा दे॒वीगं॑ शर॒णम॑हं प्र॒पद्ये॑ सु॒तर॑सि तर॒से नमः॑ ॥

अग्ने॑ त्वं पा॒रया॑ नव्यो॑ अ॒स्मान्थ-स्व॑स्तिभि॒रति॑ दु॒र्गाणि॑ वि॒श्वा ।
पू॒श्च पृ॒थ्वी ब॑ह॒ला न उ॒र्वी भवा॑ तो॒काय॑ त॒नया॑य शं॒योः ॥

वि॒श्वा॒नि नो दु॒र्गहा॑ जा॒तवे॑दः सि॒न्धुन्न॑ ना॒वा दु॒रिता॑ति॒पर्-षि॑ ।
अग्ने॑ अ॒त्रिव॑न्मन॒सा गृ॒णानो॑स्माकं बो॒ध्यवि॑ता त॒मूना॑म् ॥

पृ॒तना॑ जि॒तगं॑ स॒हमा॑नमु॒ग्रम॒ग्निगं॑ हु॒वेम॑ पर॒माथ्-स॒धस्थो॑त् ।
स नः॑ पर्-ष॒दति॑ दु॒र्गाणि॑ वि॒श्वा क्षा॑म॒द्देवो॑ अ॒ति दु॒रिता॑त्य॒ग्निः ॥

प्र॒त्तोषि॑ क॒मीड्यो॑ अध्व॒रेषु॑ स॒नाच्च॑ होता॒ नव्य॑श्च स॒त्सि॑ ।
स्वाञ्चो॑ग्ने त॒नुवं॑ पि॒प्रय॑स्वा॒स्मभ्यं॑ च सौ॒भग॑माय॒जस्व ॥

गोभि॑र्जुष्ट॒मयु॑जो निषि॒क्तं तवे॑द्र वि॒ष्णोर॑नु॒सञ्चरे॑म ।
नाक॑स्य पृ॒ष्ठम॑भि स॒ंवसानो॑ वैष्ण॒वीं लोक॑ इ॒ह मा॑दयन्ताम् ॥

ॐ का॒त्याय॑नाय॒ विद्महे॑ क॒न्यकु॑मारि॒ धीमहि॑ । तन्नो॑ दु॒र्गिः प्र॑चोदयोत् ॥

ॐ शान्तिः॒ शान्तिः॒ शान्तिः॑ ॥